



## **Գործի որոշում 2021-005-FB-UA**

### **Գործի ամփոփագիր**

Վերստուգիչ խորհուրդը չեղյալ է համարել մեկնաբանությունը հեռացնելու մասին Facebook-ի որոշումը՝ համաձայն իր Ատելության խոսքի վերաբերյալ համայնքային ստանդարտի: Խորհրդի անդամների մեծամասնությունը եկավ այն եզրակացության, որ մեկնաբանությունն ընկնում է Facebook-ի բացառության մեջ, որով թույլատրվում է այնպիսի բովանդակություն, որը դատապարտում կամ բարձրացնում է իրազեկվածությունն ատելության մասին:

### **Գործի մասին**

2020 թվականի դեկտեմբերի 24-ին ԱՄՆ-ում բնակվող Facebook-ի մի օգտատեր մեկնաբանություն էր հրապարակել «ամենօրյա պայքար» կամ «երկու կոճակ» մեմերի ադապտացված ձևով: Այնտեղ ներկայացված էր տրոհված Էկրանով մուլտֆիլմ բնօրինակ «երկու կոճակ» մեմից, որտեղ մուլտֆիլմի հերոսի դեմքը փոխարինված էր թուրքական դրոշմով: Մուլտֆիլմի հերոսի աջ ձեռքն իր գլխին էր և, կարծես, քրտնում էր: Յերոսի վերևի մասում՝ տրոհված Էկրանի երկրորդ կեսում, երկու կարմիր կոճակ կա, որոնց վրա անգլերենով համապատասխանաբար հայտարարություններ են գրված. «Հայոց ցեղասպանությունը սուտ է» և «Հայերը ահաբեկիչներ էին և նրանք արժանի էին դրան»:

Մինչ բովանդակության մի մոդերատորը գտնում էր, որ մեմը խախտում էր Facebook-ի Ատելության խոսքի վերաբերյալ համայնքային ստանդարտը, մյուսը գտնում էր, որ այն խախտում էր Դաժան և բիրտ բովանդակության վերաբերյալ համայնքային ստանդարտը: Facebook-ը հեռացրել էր մեկնաբանությունը՝ համաձայն Դաժան և բիրտ բովանդակության վերաբերյալ համայնքային ստանդարտի և տեղեկացրել էր օգտատիրոջը դրա մասին:



Սակայն օգտատիրոջ բողոքարկումից հետո Facebook-ը համարեց, որ բովանդակությունը պետք է հեռացվի՝ համաձայն իր Ատելության խոսքի վերաբերյալ համայնքային ստանդարտի: Ընկերությունը չստեղծեց օգտատիրոջը, որ հաստատել է իր որոշումը այլ Համայնքային ստանդարտի համաձայն:

## **Ուսումնասիրության հիմնական արդյունքները**

Facebook-ը հայտարարեց, որ հեռացրել էր մեկնաբանությունը, քանի որ «Հայերն ահաբեկիչներ էին և նրանք արժանի էին դրան» արտահայտության մեջ պնդումներ կային, որ հայերը հանցագործներ էին՝ ելնելով իրենց ազգային և էթնիկական պատկանելությունից: Համաձայն Facebook-ի՝ դա խախտում էր իր Ատելության խոսքի վերաբերյալ համայնքային ստանդարտը:

Facebook-ը նաև նշել է, որ մեմը չէր մտնում այն բացառության մեջ, որը թույլ է տալիս օգտատերերին կիսվել ատելություն պարունակող բովանդակությամբ՝ այն դատապարտելու կամ իրազեկվածությունը բարձրացնելու համար: Ընկերությունը պնդում էր, որ մուլտֆիլմի հերոսը կարող էր ողջամտորեն դիտարկվել որպես մեմում ներկայացված երկու հայտարարությունները ինչպես դատապարտող, այնպես էլ ընդունող:

Խորհրդի անդամների մեծ մասը, սակայն, կարծում էր, որ բովանդակությունն ընկնում էր բացառության մեջ: «Երկու կոճակ» մեմը հակադրում է երկու տարբեր տարբերակներ՝ ոչ թե նրանց աջակցություն ցուցաբերելու համար, այլ հնարավոր հակասությունները ընդգծելու համար: Այսպիսով, նրանք գտան, որ օգտատերը կիսվել է մեմով, որպեսզի ուշադրություն հրավիրի և դատապարտի Թուրքիայի կառավարության ջանքերը՝ ժխտելու հայոց ցեղասպանությունը և, միևնույն ժամանակ, արդարացնելու այդ պատմական ոճրագործությունները: Շատերը կատարել էր հանրային մեկնաբանություն, որտեղ ասվում է, որ մեմը «չի ծաղրում ցեղասպանության զոհերին, այլ ծաղրում է ժամանակակից Թուրքիային հատուկ ժխտողականությունը, որը միաժամանակ ասում է, որ ցեղասպանություն չի եղել, և որ զոհերն արժանի են դրան»: Շատերը նաև



կարծում էին, որ բովանդակությունը կարող էր ընկնել Facebook-ի երգիծական բովանդակության բացառության տակ, որը ներառված չէ Համայնքային ստանդարտներում:

Այնուամենայնիվ, Խորհրդի փոքրամասնությունը գտավ, որ բավարար չափով պարզ չէր, որ օգտատերը կիսվել էր բովանդակությամբ՝ Թուրքիայի կառավարությանը քննադատելու համար: Քանի որ բովանդակությունը պարունակում էր վնասակար ընդհանրացումներ հայերի վերաբերյալ, Խորհրդի անդամների փոքրամասնությունը գտնում էր, որ այն խախտում էր Ատելության խոսքի վերաբերյալ համայնքային ստանդարտը:

Այս դեպքում, Խորհուրդը նշեց, որ Facebook-ը տեղեկացրել էր օգտատիրոջը, որ նա խախտել էր Դաժան և բիրտ բովանդակության վերաբերյալ համայնքային ստանդարտը, այն դեպքում, երբ ընկերության գործողությունները հիմնված են եղել Ատելության խոսքի վերաբերյալ համայնքային ստանդարտի վրա: Խորհուրդը մտահոգված էր նաև այն հարցով, թե արդյոք Facebook-ի մոդերատորները ժամանակ և ռեսուրսներ են ունեցել՝ ստուգելու երգիծական բովանդակությունը:

### **Վերստուգիչ խորհրդի որոշումը**

Վերստուգիչ խորհուրդը չէր պահանջում բովանդակությունը հեռացնելու Facebook-ի որոշումը և պահանջում է, որ մեկնաբանությունը վերականգնվի:

Քաղաքականության վերաբերյալ խորհուրդների հայտարարության մեջ Խորհուրդն առաջարկում է Facebook-ին.

- Տեղեկացնել օգտատերերին ընկերության կողմից սահմանված Համայնքային ստանդարտի մասին: Եթե Facebook-ը որոշում է, որ օգտատիրոջ բովանդակությունը խախտում է այլ համայնքային ստանդարտ, և ոչ թե այն, որի մասին ի սկզբանե հայտնել են օգտատիրոջը, նա պետք է բողոքարկման մեկ այլ հնարավորություն ունենա:



- Ներառել երգիծական բովանդակության բացառությունը, որը ներկայումս հասանելի չէ օգտատերերին, Ատելության խոսքի վերաբերյալ համայնքային ստանդարտի հանրային լեզվում:
- Ընդունել երգիծական բովանդակությունը պատշաճ կերպով կառավարելու ընթացակարգեր՝ հաշվի առնելով համապատասխան ենթատեքստը: Սրա մեջ մտնում է նաև բովանդակության մոդերատորներին Facebook-ի տեղական աշխատանքային խմբերի հետ հաղորդակցվելու թույլտվության իրավունքը և բավարար ժամանակ տրամադրելը՝ այդ խմբերի հետ խորհրդակցելու և գնահատական տալու համար:
- Թույլ տալ օգտատերերին իրենց բողոքարկման մեջ նշել, որ իրենց բովանդակությունն ընկնում է Ատելության խոսքի վերաբերյալ քաղաքականության բացառություններից մեկի մեջ: Սա ներառում է երգիծական բովանդակության բացառությունները և, երբ օգտատերերը կիսվում են ատելություն պարունակող բովանդակությամբ՝ այն դատապարտելու կամ իրազեկվածությունը բարձրացնելու համար:
- Համոզվել, որ քաղաքականությունների բացառությունների վրա հիմնված բողոքարկումներն ունեն մարդկանց կողմից ստուգվելու առաջնահերթություն:

\*Գործի ամփոփագրերը ներկայացնում են գործի ընդհանուր նկարագրությունը և նախադեպային արժեք չունեն:

## **Գործի վերաբերյալ ամբողջական որոշումը**

### **1. Որոշման ամփոփագիր**

Վերստուգիչ խորհուրդը չեղյալ է համարել բովանդակությունը հեռացնելու մասին Facebook-ի որոշումը՝ համաձայն իր Ատելության խոսքի վերաբերյալ համայնքային ստանդարտի: Խորհրդի անդամների մեծամասնությունը եկավ այն եզրակացության, որ երգիծական մեմի ձևով ներկայացված մուլտֆիլմն ընկնում է ատելությունը դատապարտող կամ դրա իրազեկվածությունը



բարձրացնող բովանդակության համար նախատեսված Անտելության խոսքի վերաբերյալ համայնքային ստանդարտի բացառության մեջ:

## 2. Գործի նկարագրություն

2020 թվականի դեկտեմբերի 24-ին ԱՄՆ-ում բնակվող Facebook-ի մի օգտատեր մեկնաբանություն էր հրապարակել «ամենօրյա պայքար» կամ «երկու կոճակ» մեմերի ադապտացված ձևով: Մեմը մեդիայի տեսակ է, որը հաճախ կրում է հումորային բնույթ և արագ տարածվում է համացանցում: Այնտեղ ներկայացված էր տրոհված Էկրանով մուլտֆիլմ [քնօրինակ մեմից](#), որտեղ մուլտֆիլմի հերոսի դեմքը փոխարինված էր թուրքական դրոշմով: Մուլտֆիլմի հերոսի աջ ձեռքն իր գլխին էր և, կարծես, քրտնում էր: Հերոսի վերևի մասում տրոհված Էկրանի մյուս կեսում, երկու կարմիր կոճակ կա, որոնց վրա անգլերենով համապատասխանաբար հայտարարություններ են գրված. «Հայոց ցեղասպանությունը սուտ է» և «Հայերը ահաբեկիչներ էին և նրանք արժանի էին դրան»: Մեմին նախորդում էր «մտածող դեմք» Էմոջի:

Մեկնաբանությունը տեղադրվել էր Facebook-ի հանրային էջում, որը բնութագրվում է որպես աշխարհիկ տեսանկյունից կրոնական խնդիրները քննարկելու համար նախատեսված ֆորում: Այն մի հրապարակման պատասխան էր, որտեղ պատկերված էր նիկաբով մի մարդու նկար, որի վրա անգլերենով տեքստ էր գրված. «Ոչ բոլոր բանտարկյալներն են ճաղերի հետևում»: Մեկնաբանությունը հեռացնելու պահին այն սկզբնական հրապարակումը, որին այն պատասխանել էր, 260 դիտում էր ունեցել, 423 արձագանք և 149 մեկնաբանություն: Շրի Լանկայում բնակվող Facebook-ի մի օգտատեր հայտնել էր, որ մեկնաբանությունը խախտում է Անտելության խոսքի վերաբերյալ համայնքային ստանդարտը:

2020 թվականի դեկտեմբերի 24-ին Facebook-ը հեռացրեց մեմը: Կարճ ժամանակահատվածում երկու մոդերատորներ ստուգեցին մեկնաբանությունը ընկերության քաղաքականության համաձայն և եկան տարբեր եզրահանգումների: Մինչ առաջին մոդերատորը եզրակացնում էր, որ մեմը խախտում էր Facebook-ի Անտելության խոսքի վերաբերյալ քաղաքականությունը,



Երկրորդը գտնում էր, որ այն խախտում էր Դաժան և բիրտ բովանդակության վերաբերյալ քաղաքականությունը: Երկրորդ ստուգման հիման վրա բովանդակությունը հեռացվեց և գրանցվեց Facebook-ի համակարգերում: Դրա հիման վրա Facebook-ը տեղեկացրեց օգտատիրոջը, որ նրա մեկնաբանությունը «հակասում է դաժան և բիրտ բովանդակության վերաբերյալ մեր Համայնքային ստանդարտին»:

Օգտատիրոջ բողոքարկումից հետո Facebook-ը չեղարկեց իր որոշումը, բայց գտավ, որ բովանդակությունը պետք է հեռացվեր՝ համաձայն իր Ատելության խոսքի վերաբերյալ քաղաքականության: Ըստ Facebook-ի՝ «Հայերը ահաբեկիչներ էին և նրանք արժանի էին դրան» արտահայտությունը մասնավորապես խախտում է այնպիսի բովանդակության վրա դրված արգելքը, որտեղ ասվում է, որ պաշտպանված հատկանիշով բոլոր անդամները հանցագործներ են, այդ թվում նաև՝ ահաբեկիչներ: Բովանդակության ոչ մի այլ մաս, ինչպիսին այն պնդումն է, որ հայոց ցեղասպանությունը սուտ է, չի համարվել կանոնները խախտող: Facebook-ը չի տեղեկացրել օգտատիրոջը, որ այն հաստատել է բովանդակությունը հեռացնելու մասին որոշումը այլ Համայնքային ստանդարտի համաձայն:

Օգտատերը 2020 թվականի դեկտեմբերի 24-ին բողոքարկում է ներկայացրել Վերստուգիչ խորհրդին:

Վերջապես, այս որոշման մեջ Խորհուրդը ցեղասպանություն է անվանել այն ոճրագործությունները, որոնք կատարվել էին հայ ժողովրդի նկատմամբ 1915 թվականից ի վեր, քանի որ այս տերմինը սովորաբար օգտագործվում է հայերի կոտորածներն ու զանգվածային տեղահանությունները նկարագրելու համար, ինչպես նաև հիշատակվում է քննարկվող բովանդակության մեջ: Խորհուրդն իրավասություն չունի օրինականորեն որակելու նման վայրագությունները, և այդ որակումն այս վճռի առարկան չէ:



### **3. Լիազորություններ և իրավասությունների շրջանակ**

Խորհուրդն իրավունք ունի վերանայել Facebook-ի որոշումը՝ օգտատիրոջ բողոքարկման հիման վրա, ում հրապարակումը հեռացվել է (Կանոնադրության հոդված 2, Բաժին 1, Օրենսդրական ակտի հոդված 2, Բաժին 2.1): Խորհուրդը կարող է ուժի մեջ թողնել կամ չեղյալ համարել այդ որոշումը (Կանոնադրության հոդված 3, Բաժին 5): Խորհրդի որոշումները պարտադիր ուժ ունեն և կարող են ներառել քաղաքականության վերաբերյալ խորհուրդների հայտարարություններ՝ առաջարկություններով: Այս առաջարկները պարտադիր չեն, բայց Facebook-ը պետք է պատասխանի դրանց (Կանոնադրության հոդված 3, Բաժին 4): Խորհուրդը բողոքարկման անկախ մեխանիզմ է, որը վեճերը լուծում է թափանցիկ և սկզբունքային եղանակով:

### **4. Համապատասխան ստանդարտներ**

Վերստուգիչ խորհուրդն իր որոշման մեջ հաշվի է առել հետևյալ ստանդարտները.

#### *1. Facebook-ի Համայնքային ստանդարտները*

Facebook-ի Համայնքային ստանդարտներով ատելության խոսքը սահմանվում է որպես «ուղղակի հարձակում մարդկանց վրա, որը հիմնված է այն բանի վրա, ինչը մենք անվանում ենք պաշտպանված հատկանիշներ՝ ռասա, էթնիկ պատկանելություն, ազգային ծագում, կրոն, սեռական կողմնորոշում, կաստա, սեռ, գենդեր, գենդերային ինքնություն և լուրջ հիվանդություն կամ հաշմանդամություն»: «Մակարդակ 1»-ի շրջանակներում արգելված բովանդակության («չհրապարակել») մեջ մտնում է անձին կամ մարդկանց խմբին ուղղված բովանդակությունը՝ պաշտպանված հատկանիշի հիման վրա.

- «արժանապատվությունը նսեմացնող խոսքը կամ պատկերները համեմատության, ընդհանրացումների կամ վարվելակերպի ոչ պատշաճ հայտարարությունների տեսքով (գրավոր կամ տեսողական տեսքով) [...] հանցագործների դեմ կամ նրանց մասին (ներառյալ, բայց չսահմանափակվելով «գողեր», «բանկ թալանողներ» կամ, այսպես ասած,



«Բոլոր [պաշտպանված հատկանիշ կամ մասամբ պաշտպանված հատկանիշ] «հանցագործներ» են)»:

- խոսքը, որը «[ծ]աղրում է ատելության հանցագործությունների գաղափարը, իրադարձությունները կամ զոհերին, նույնիսկ եթե նկարում իրական անձնավորություն պատկերված չէ»:
- խոսքը, որը «[մ]երժում կամ աղավաղում է Հոլոքոստի մասին տեղեկատվությունը»:

Այնուամենայնիվ, Facebook-ը թույլ է տալիս «այլ անձի ատելության խոսք պարունակող բովանդակությունը՝ այն դատապարտելու կամ իրազեկելու նպատակով»: Համաձայն Ատելության խոսքի վերաբերյալ համայնքային ստանդարտի քաղաքականության հիմնավորման՝ «այն արտահայտությունները, որոնք հակառակ դեպքում կարող են խախտել մեր ստանդարտները, կարող են օգտագործվել ինքնահղման կամ իրավունքների ու հնարավորությունների ընդլայնման նպատակով: Մեր քաղաքականությունը մշակված է այնպես, որ խոսքի այս տեսակները տեղ ունենան, բայց մենք պահանջում ենք, որպեսզի մարդիկ հստակ նշեն իրենց մտադրությունը: Եթե մտադրությունը հստակ չէ, մենք կարող ենք հեռացնել բովանդակությունը»:

Բացի այդ, Խորհուրդը նշել է Facebook-ի Դաժան և բիրտ բովանդակության վերաբերյալ համայնքային ստանդարտի մասին, որն արգելում է բովանդակությունը, որն ուղղված է «լուրջ ֆիզիկական կամ հուզական վնասներ կրած զոհերին», այդ թվում նաև՝ «[...] զոհերին ծաղրելու փորձեր, որոնցից շատերը մեմերի և GIF-երի տեսքով են»: Այս քաղաքականությունն արգելում է բովանդակությունը («չիրապարակել»), որը «պարունակում է սադիստական դիտողություններ և ցանկացած տեսողական կամ գրավոր պատկերումներ վաղաժամ մահվան ենթարկված իրական մարդկանց վերաբերյալ»:





## II. Facebook-ի արժեքները

Facebook-ի արժեքները նկարագրված են Համայնքային ստանդարտների ներածության մեջ: «Ձայնի իրավունքը» նկարագրված է որպես «բարձրագույն».

*Համայնքի ստանդարտների մշտական նպատակն է՝ ստեղծել վայր, որտեղ մարդիկ կարող են արտահայտվել, և տալ նրանց ձայնի իրավունք: [...] Մենք ուզում ենք, որ մարդիկ բացահայտ խոսեն իրենց համար կարևոր թեմաների շուրջ, նույնիսկ եթե ոմանք չհամաձայնվեն կամ վիճելի համարեն նրանց կարծիքը:*

Facebook-ը սահմանափակում է «Ձայնի իրավունքը» հանուն չորս արժեքների, որոնցից երկուսը ակտուալ են այստեղ.

*«Անվտանգություն»՝ Մեր հանձնառությունն է Facebook-ն ապահով հարթակ դարձնել: Արտահայտությունները, որոնք սպառնում են մարդկանց և կարող են վախեցնել, բացառել կամ լռեցնել նրանց, թույլատրված չեն Facebook-ում:*

*«Արժանապատվություն»՝ Մենք հավատում ենք, որ բոլոր մարդիկ հավասար են արժանապատվության և իրավունքների հարցում: Մենք ակնկալում ենք, որ մարդիկ կհարգեն մյուսների արժանապատվությունը և չեն նվաստացնի կամ անհանգստացնի մյուսներին:*

## III. Մարդու իրավունքներին առնչվող ստանդարտներ

2011 թվականին ՄԱԿ-ի Մարդու իրավունքների խորհրդի կողմից հավանության արժանացած ՄԱԿ-ի՝ ձեռնարկությունների և մարդու իրավունքների առաջնորդման սկզբունքները (UNGPs), կամավոր հիմք են ստեղծում մասնավոր ձեռնարկությունների մարդու իրավունքների պաշտպանության վերաբերյալ: 2021 թվականին [Facebook-ը հայտարարեց](#) իր [Մարդու իրավունքների կրթարատիվ քաղաքականության մասին](#), որտեղ այն պարտավորվել է հարգել իրավունքները UNGP-ի սկզբունքների համաձայն: Այս գործի վերաբերյալ



Խորհրդի կողմից անցկացված վերլուծությունը հիմնված էր մարդու իրավունքների հետևյալ ստանդարտների վրա.

- a. Ազատ արտահայտման իրավունք. Յոդված 19, Քաղաքացիական և քաղաքական իրավունքների միջազգային դաշնագիր (ICCPR), [Ընդհանուր մեկնաբանություն N° 34](#), Մարդու իրավունքների կոմիտե, 2011, Կարծիք ունենալու և այն ազատ արտահայտելու իրավունքի հարցերով ՄԱԿ-ի հատուկ զեկուցողի զեկույցներ՝ [A/HRC/35/22/Add.3](#) (2017), [A/HRC/41/35/Add.2](#) (2019), [A/HRC/38/35](#) (2018), [A/74/486](#) (2019), և [A/HRC/44/49/Add.2](#) (2020); [Ռաբաթի գործողությունների պլան](#), OHCHR, (2013):
- b. Խտրականության չենթարկվելու իրավունք. ICCPR-ի Յոդված 2-ի 1, ICCPR, Յոդվածներ 1 և 2, «Ռասայական խտրականության բոլոր ձևերի վերացման մասին» կոնվենցիա (CERD):
- c. Արդարադատության հասանելիության համատեքստում տեղեկացված լինելու իրավունք. ICCPR-ի Յոդված 14-ի 3(ա) կետ, ICCPR, [Ընդհանուր մեկնաբանություն N° 32](#), Մարդու իրավունքների կոմիտե, (2007):

## 5. Օգտատիրոջ պնդումը

Օգտատերը Խորհրդին ուղղված դիմումում նշել է, որ «պատմական իրադարձությունները չպետք է գրաքննության ենթարկվեն»: Նա նշել է, որ իր մեկնաբանությունը նպատակ ուներ ոչ թե վիրավորելու, այլ «որոշակի պատմական իրադարձության վերաբերյալ հեգնանքով» արտահայտվելու: Օգտատերը նշել է, որ «միգուցե Facebook-ը դա սխալմամբ մեկնաբանել է որպես հարձակում»: Օգտատերը նաև նշել է, որ եթե նույնիսկ բովանդակության մեջ հիշատակվում են «կրոն և պատերազմ» բառերը, դա չի նշանակում, որ դրանք «սուր քննադատության» պետք է արժանանան: Օգտատերը գտնում է, որ Facebook-ը և նրա քաղաքականությունը չափազանց սահմանափակող են և պնդում է, որ «հումորը, ինչպես և շատ բաներ, սուբյեկտիվ է, և մեկի համար վիրավորական թվացող բանը կարող է ծիծաղելի լինել մյուսի համար»:



## 6. Facebook-ի որոշման բացատրություն

Facebook-ը բացատրել է, որ հեռացրել է մեկնաբանությունը որպես 1-ին աստիճանի հարձակում՝ Ատելության խոսքի համայնքային ստանդարտի համաձայն, մասնավորապես, խախտելու համար իր քաղաքականությունը, որով արգելվում է բովանդակությունը, որտեղ շեշտվում է, որ պաշտպանված հատկանիշով բոլոր անդամները հանցագործներ են, այդ թվում՝ ահաբեկիչներ: Ըստ Facebook-ի՝ թեև մեմի «Հայոց ցեղասպանությունը սուտ է» առաջին պնդումը բացասական ընդհանրացում է, այն ուղղակիորեն հարձակում չէ հայերի նկատմամբ և հետևաբար ընկերության համայնքային ստանդարտների խախտում չէ: Facebook-ը գտել է, որ երկրորդ պնդումը՝ «Հայերը ահաբեկիչներ էին և նրանք արժանի էին դրան», ուղղակի հարձակում է հայերի նկատմամբ, որտեղ շեշտվում է, որ նրանք հանցագործներ են՝ ելնելով իրենց էթնիկ և ազգային պատկանելությունից: Դա խախտում է ընկերության Ատելության խոսքի քաղաքականությունը:

Որպես իր որոշման հիմնավորում՝ Facebook-ը գնահատել է, թե արդյոք տվյալ դեպքում ատելության խոսք պարունակող բովանդակությունը պետք է դիտարկվի որպես բացառություն, քանի որ ուղղված է եղել դրա դատապարտմանը կամ դրա վերաբերյալ իրազեկվածության բարձրացմանը: Facebook-ը պնդում է, որ մեմը չի ընկնում բացառման կատեգորիայի մեջ, քանի որ օգտատերը պարզ չի արտահայտվել, որ մտադիր է դատապարտել ատելության խոսքը: Մասնավորապես, Facebook-ը խորհրդին բացատրել է, որ մեմում առկա քրոնած ծաղրանկարի կերպարը կարող է ողջամտորեն դիտարկվել որպես մեմում ներկայացված երկու պնդումները ինչպես դատապարտող, այնպես էլ ընդունող: Facebook-ը նաև բացատրել է, որ Ատելության խոսքի իր քաղաքականությունը նախկինում բացառում էր հումորային կյոթերը: Ընկերությունը պարզաբանել է, որ վերացրել է այդ բացառումը՝ համաձայն [Քաղաքացիական իրավունքների աուդիտի զեկույցի](#) (հուլիս 2020) և որպես իր քաղաքականության զարգացման մաս: Facebook-ը խորհրդին ուղղված իր պատասխանում նշել է, որ «Facebook-ը չի ստեղծել սահմանում, թե ինչն է համարվում ծիծաղելի՝ լայն կիրառման համար»: Այնուամենայնիվ, Քաղաքացիական իրավունքների աուդիտի զեկույցում ընկերությունը նշել է, որ Facebook-ը նեղացրել է բացառման ընդգրկույթը



երգիծական բովանդակության համար, որը «ներառում է հեգևանք, չափազանցություն, ծաղր և/կամ աբսուրդ՝ մարդկանց, նրանց վարքագիծը կամ արտահայտած տեսակետները բացահայտելու կամ քննադատելու նպատակով, մասնավորապես՝ քաղաքական, կրոնական կամ սոցիալական հարցերի համատեքստում: Դրա նպատակն է ուշադրություն հրավիրել և քննադատությամբ հանդես գալ սոցիալական ավելի լայն խնդիրների վերաբերյալ»: Այս բացառումը ներառված չէ իր համայնքային ստանդարտներում: Ըստ էության, այն տարբերվում է բացառման ենթակա բովանդակությունից, որը ներառում է ատելության խոսք՝ այն դատապարտելու կամ իրազեկվածությունը բարձրացնելու համար:

Facebook-ը նաև պարզաբանել է, որ բովանդակությունը չի խախտում Դաժան և բիրտ բովանդակության վերաբերյալ քաղաքականությունը, որն արգելում է «զոհերին ծաղրելու բացահայտ փորձերը»՝ այդ թվում նաև մեմերի միջոցով, քանի որ այնտեղ իրական զոհ պատկերված չէ կամ նրա անունը չի տրվում:

Facebook-ը նաև նշել է, որ բովանդակության հեռացումը համապատասխանում է «Արժանապատվության» և «Անվտանգության» իր արժեքներին և համարժեք է «Ձայնի իրավունքին»: Ըստ Facebook-ի՝ բովանդակությունը, որտեղ հայ ժողովրդին ահաբեկիչ են անվանում, «ոտնձգություն է նրա արժանապատվության նկատմամբ, կարող է ընկալվել որպես նվաստացուցիչ կամ անմարդկային, և նույնիսկ կարող է սոցիալական ցանցից դուրս հետապնդման և բռնության ռիսկեր ստեղծել»:

Facebook-ը պնդում է, որ իր որոշումը համապատասխանում է մարդու իրավունքների միջազգային չափանիշներին: Facebook-ը նշել է, որ (ա) իր քաղաքականությունը «հեշտ հասանելի է» համայնքային ստանդարտներում, բ) բովանդակությունը հեռացնելու որոշումը օրինական է, որն ուղղված է «ուրիշների իրավունքները խախտելուց և խտրականությունից» պաշտպանելուն, և գ) բովանդակությունը հեռացնելու մասին որոշումը «անհրաժեշտ և համաչափ է՝ հայերին հասցված վնասը սահմանափակելու համար»: Որպեսզի ազատ արտահայտման սահմանափակումները համաչափ



լինեն, Facebook-ը նշել է, որ իր ատելության խոսքի քաղաքականությունը տարածվում է «ընդհանրացումների նեղ շրջանակի վրա»:

## **7. Երրորդ կողմից ստացված մեկնաբանություններ**

Վերստուգիչ խորհուրդը ստացել է դեպքին առնչվող 23 հրապարակային մեկնաբանություն: Մեկնաբանություններից չորսը Եվրոպայից էին, մեկը՝ Մերձավոր Արևելքից և Հյուսիսային Աֆրիկայից, 18-ը՝ ԱՄՆ-ից և Կանադայից:

Խորհուրդը ստացել է մեկնաբանություններ անմիջականորեն այս հարցին առնչվող կողմերից: Դրանց մեջ կային Հայոց ցեղասպանության զոհերի հետևորդ, կազմակերպություններ, որոնք ուսումնասիրում են ցեղասպանության բնույթը, պատճառներն ու հետևանքները, ինչպես նաև բովանդակության նախկին մոդերատոր:

Ներկայացված մեկնաբանություններում արժարժվում էին այնպիսի հարցեր, ինչպիսիք են՝ որն է օգտատիրոջ կողմից կիրառված «ամենօրյա պայքար» կամ «երկու կոճակ» մեմերի իմաստն ու նշանակությունը, արդյոք բովանդակությունը նախատեսված է Թուրքիայի կառավարության և նրա կողմից Հայոց ցեղասպանության ժխտման քաղաքական քննադատության համար, արդյոք բովանդակությունը ծաղրում է Հայոց ցեղասպանության զոհերին, և ինչպիսին են Facebook-ի Ատելության խոսքի և Դաժան ու բիրտ բովանդակության վերաբերյալ համայնքային ստանդարտները այս դեպքի հետ կապված:

Այս գործի հետ կապված հրապարակային մեկնաբանությունները կարդալու համար սեղմեք [այստեղ](#):

## **8. Վերստուգիչ խորհրդի վերլուծությունը**

Խորհուրդը քննել է այս հարցը, թե արդյոք բովանդակությունը պետք է վերականգնվի՝ ըստ երեք չափանիշների՝ Facebook-ի Համայնքային ստանդարտների, ընկերության արժեքների և մարդու իրավունքների առնչությամբ իր պարտավորությունների:



## **8.1 Համայնքային ստանդարտներին համապատասխանությունը**

Խորհուրդը վերլուծել է երկու պնդումներից յուրաքանչյուրը՝ ըստ Facebook-ի Համայնքային ստանդարտներին՝ նախքան այդ պնդումների համադրության ազդեցության ուսումնասիրությունը «ամենօրյա պայքար» կամ «երկու կոճակ» մեմի այս տարբերակում:

### *8.1.1. «Հայոց ցեղասպանությունը սուտ է» պնդման վերլուծություն*

Խորհուրդը նշել է, որ Facebook-ը չի գտել, որ այս պնդումը խախտում է Ատելության խոսքի համայնքային ստանդարտը: Facebook-ը կիրառում է Ատելության խոսքի համայնքային ստանդարտը՝ (i) «անմիջական հարձակման» և (ii) «պաշտպանված հատկանիշով» անմիջական հարձակման ենթարկվելու դեպքում: Զաղաքականության հիմնավորման մեջ «արժանապատվությունը նսեմացնող խոսքը» բերված է որպես հարձակման օրինակ: Էթնիկ և ազգային պատկանելությունը ներառված են պաշտպանված հատկանիշների ցանկում:

Ատելության խոսքի քաղաքականության «չիրապարակել» բաժնում Facebook-ն արգելում է «ծաղրել ատելության հողի վրա կատարված հանցագործությունները, իրադարձությունները կամ զոհերին, նույնիսկ եթե պատկերի մեջ որևէ իրական անձ չի ներկայացված»: Խորհրդի մեծամասնությունը, սակայն, նշել է, որ օգտատերը նպատակ ուներ ոչ թե ծաղրել պնդման մեջ նշված իրադարձությունների զոհերին, այլ մեմի օգնությամբ՝ երգիծանքի ձևով քննադատության ենթարկել հենց պնդումը: Փոքրամասնության կարծիքով օգտատիրոջ նպատակն այնքան էլ պարզ չէր: Օգտատերը կարող էր կիսված լինել բովանդակությամբ՝ պնդումն ընդունելու նպատակով, այլ ոչ թե հերքելու:

Այս դեպքում Facebook-ը զգուշացրել էր օգտատիրոջը, որ իր բովանդակությունը հակասում է Դաժան և բիրտ բովանդակության վերաբերյալ համայնքային ստանդարտին: Այս քաղաքականության համաձայն՝ Facebook-ն արգելում է «Ֆիզիկական կամ հուզական լուրջ վնասներ կրած զոհերին ծաղրելու փորձերը»՝ ներառյալ այնպիսի բովանդակությունը, որը «պարունակում է սադիստական



արտահայտություններ և վաղաժամ մահվան ենթարկվող իրական մարդկանց տեսողական կամ գրավոր պատկերում»: Խորհուրդը նշել է, բայց չի քննարկել Facebook-ի այն բացատրությունը, որ այս քաղաքականությունը կիրառելի չէ այս գործի համար, քանի որ մեմում պատկերված չեն պնդման մեջ ներկայացված իրադարձությունների զոհերը կամ նշված չեն նրանց անունները:

Ատելության խոսքի քաղաքականության «չիրապարակել» բաժնում Facebook-ը նաև արգելում է «Հոլոքոստի մասին տեղեկատվության ժխտումը կամ խեղաթյուրումը»: Խորհուրդը նշել է ընկերության բացատրությունը, որ այս քաղաքականությունը չի տարածվում Հայոց ցեղասպանության կամ այլ ցեղասպանությունների վրա, և որ այդ քաղաքականությունը հիմնված է ընկերության [«արտաքին փորձագետների հետ խորհրդակցության, համաշխարհային մակարդակով հակասեմականության արձանագրված աճի և Հոլոքոստի մասին չիմացության տազնապայի մակարդակի վրա»](#):

### *8.1.2. «Հայերն ահաբեկիչներ էին և նրանք արժանի էին դրան» պնդման վերլուծություն*

Խորհուրդը նշել է, որ Facebook-ը գտել է, որ այս պնդումը խախտում է Ատելության խոսքի համայնքային ստանդարտը: Ատելության խոսքի համայնքային ստանդարտի «չիրապարակել» բաժնում արգելվում է «արժանապատվությունը նսեմացնող խոսքը կամ պատկերավորումը՝ համեմատությունների, ընդհանրացումների կամ ոչ պատշաճ հայտարարությունների ձևով (գրավոր կամ տեսողական)»: Քաղաքականության մեջ ատելության խոսք է համարվում նաև, երբ թիրախային խումբը ներկայացվում է որպես «հանցագործներ»: Խորհուրդը կարծում է, որ «ահաբեկիչներ» տերմինն այս կատեգորիայի մեջ է մտնում:

### *8.1.3 Մեմի համակցված պնդումների վերլուծություն*

Խորհուրդը կարծում է, որ պետք է գնահատել բովանդակությունը որպես ամբողջություն՝ ներառյալ վիճարկման առարկա մեմի պնդումների համադրության ազդեցությունը: «Ամենօրյա պայքար» կամ «Երկու կոճակ»



մեմբրի ընդհանուր նպատակն է հակադրել երկու տարբեր տարբերակներ՝ դրանց հնարավոր հակասությունները կամ այլ ենթատեքստերը ընդգծելու համար, այլ ոչ թե սատարել ներկայացված տարբերակները:

Մեծամասնության համար ատելության խոսքի քաղաքականության մեջ բացառումը շատ կարևոր է: Այս բացառումը թույլ է տալիս «կիսվել ուրիշի ատելության խոսքը պարունակող բովանդակությամբ՝ այն դատապարտելու կամ իրազեկվածությունը բարձրացնելու համար»: Դրանում նշվում է նաև՝ «մեր քաղաքականությունը մշակված է այնպես, որ խոսքի այս տեսակները տեղ ունենան, բայց մենք պահանջում ենք, որպեսզի մարդիկ հստակ նշեն իրենց մտադրությունը: Եթե մտադրությունը պարզ չէ, մենք կարող ենք հեռացնել բովանդակությունը»: Մեծամասնությունը նշել է, որ բովանդակությունը կարող է ընկնել նաև ընկերության երգիծական բացառության տակ, որը հանրամատչելի չէ:

Չնահատելով բովանդակությունը որպես ամբողջություն՝ մեծամասնությունը գտավ, որ օգտատիրոջ նպատակը պարզ է: Նա կիսվել է մեմով՝ որպես երգիծանք, որպեսզի ուշադրություն հրավիրի Թուրքիայի կառավարության կողմից Հայոց ցեղասպանությունը ժխտելու ջանքերին և, միևնույն ժամանակ, արդարացնելու նույն պատմական ոճրագործությունները: Օգտատերը նպատակ չունեի ծաղրելու այդ իրադարձությունների զոհերին, ոչ էլ պնդելու, որ այդ զոհերը հանցագործներ են, կամ որ ոճրագործությունն արդարացված է: Մեծամասնությունը հաշվի է առել Թուրքիայի կառավարության դիրքորոշումը 1915 թվականին հայերի ցեղասպանության վերաբերյալ ([Թուրքիայի Հանրապետություն, Արտաքին գործերի նախարարություն](#)), ինչպես նաև Թուրքիայի և Հայաստանի միջև հարաբերությունների պատմությունը: Այս համատեքստում նրանք գտել են, որ ծաղրանկարի կերպարի քրտնած դեմքը փոխարինված էր Թուրքիայի դրոշով, և բովանդակության անմիջական հղումը Հայոց ցեղասպանությանը նշանակում էր, որ օգտատերը կիսվում է մեմով՝ քննադատելու համար Թուրքիայի կառավարության դիրքորոշումն այս հարցում: «Մտածող դեմքով» էմոջին, որը սովորաբար սարկազմի համար օգտագործում են մեմբրի կողքին, հաստատում է այս եզրակացությունը: Մեծամասնությունը նշել է «PC-10007» հրապարակային մեկնաբանությունը (որը հասանելի է





վերոնշյալ 7-րդ բաժնում), որտեղ ասվում է, որ «այս մեմը, ինչպես նկարագրված է, չի ծաղրում ցեղասպանության զոհերին, այլ ծաղրում է ժամանակակից Թուրքիայում ժխտողականության քաղաքականությունը, որը միաժամանակ պնդում է, որ ցեղասպանությունն տեղի չի ունեցել, և որ զոհերն արժանի են դրան»: Այսպիսով, սխալ կլինի հայերին պաշտպանելու անվան տակ հեռացնել այս մեկնաբանությունը, երբ այդ գրառումը քննադատություն է Թուրքիայի կառավարության հասցեին՝ ի աջակցություն հայերի:

Այսպիսով, մեծամասնությունը գտել է, որ, ընդհանուր առմամբ, բովանդակությունն ընկնում է Facebook-ի Ատելության խոսքի համայնքային ստանդարտի քաղաքականության բացառման կատեգորիայի մեջ: Փոքրամասնության կարծիքով, կոնկրետ համատեքստի բացակայության պայմաններում օգտատիրոջ նպատակն այնքան էլ պարզ չէր՝ եզրակացնելու համար, որ նա կիսվել էր ծաղրական բովանդակությամբ՝ Թուրքիայի կառավարությանը քննադատելու համար: Բացի այդ, փոքրամասնության կարծիքով, օգտատերը չի կարողացել ճիշտ ձևակերպել գաղափարը, որը նպատակ ուներ արտահայտել հումորի միջոցով: Քանի որ բովանդակությունը պարունակում է վնասակար ընդհանրացումներ հայերի վերաբերյալ, Խորհրդի անդամների փոքրամասնությունը գտավ, որ այն խախտում է Ատելության խոսքի համայնքային ստանդարտը:

## **8.2 Facebook-ի արժեքներին համապատասխանություն**

Խորհրդի անդամների մեծ մասի կարծիքով այս բովանդակության վերականգնումը համապատասխանում է Facebook-ի արժեքներին: Խորհուրդը ճանաչեց հայկական համայնքի զգայունությունը 1915 թվականին հայերի դեմ իրականացված մասսայական ոճրագործությունների վերաբերյալ հայտարարությունների նկատմամբ, ինչպես նաև համայնքի երկարատև պայքարը՝ ցեղասպանության ճանաչմանն ու այդ ոճրագործությունների դատապարտմանն ուղղված: Այնուամենայնիվ, մեծամասնությունը չի գտել որևէ ապացույց այն բանի, որ մեմն այս դեպքում «Արժանապատվության իրավունքի» և «Անվտանգության իրավունքի» խախտման ռիսկ է առաջ բերում, որոնք կարող են ավելի ծանրակշիռ լինել, քան «Ձայնի իրավունքը»: Մեծամասնությունը նաև



Նշել է Facebook-ի «Անվտանգության» հետ կապված լայն անդրադարձը՝ առանց բացատրելու, թե ինչպես է այս արժեքը կիրառվում տվյալ դեպքում:

Փոքրամասնության կարծիքով, չնայած երգիծանքը պետք է պաշտպանված լինի, ինչպես իրավամբ նշում է մեծամասնությունը, սակայն մեկնաբանության մեջ բերված հայտարարությունները ոտնահարում են այն մարդկանց ինքնասիրությունը, որոնց նախնիները ցեղասպանության են ենթարկվել: Փոքրամասնությունը նաև գտել է, որ պնդումները չեն հարգում կոտորածի ենթարկված և դրանից տուժած մարդկանց հիշատակը, և դա կարող է մեծացնել հայերի նկատմամբ խտրականության և բռնության ռիսկը: Դա ավելի ծանրակշիռ փաստարկ է, որպեսզի «Ձայնի իրավունքը» իր տեղը գիշի «Անվտանգության իրավունքին» ու «Արժանապատվության իրավունքին»:

### **8.3 Facebook-ի մարդու իրավունքների պարտավորություններին համապատասխանությունը**

*Ազատ արտահայտման իրավունք (ICCPR-ի հոդված 19)*

ICCPR-ի Հոդված 19-ի 2-րդ կետով լայն պաշտպանություն է տրամադրվում «բոլոր տեսակի» արտահայտությունների, այդ թվում՝ գրավոր և ոչ բանավոր «քաղաքական դիսկուրսների», ինչպես նաև «մշակութային և գեղարվեստական արտահայտչամիջոցների» համար: ՄԱԿ-ի Մարդու իրավունքների կոմիտեն հստակ նշել է, որ 19-րդ հոդվածի պաշտպանությունը տարածվում է այնպիսի արտահայտությունների վրա, որոնք կարող են համարվել «խիստ վիրավորական» (Ընդհանուր մեկնաբանություն N° 34, կետեր՝ 11, 12)։

Այս դեպքում խորհուրդը գտավ, որ երգիծական մեմի տեսքով ծաղրանկարը քաղաքական խնդրի վերաբերյալ դիրքորոշում է՝ Թուրքիայի կառավարության դիրքորոշումը Հայոց ցեղասպանության նկատմամբ: Խորհուրդը նշեց, որ «ծաղրանկարները, որոնք բացահայտում են քաղաքական դիրքորոշումը» և «մեմերը, որոնք ծաղրում են հասարակական գործիչներին», կարող են համարվել գեղարվեստական արտահայտման ձևեր, որոնք պաշտպանված են մարդու իրավունքների միջազգային օրենսդրությամբ (ՄԱԿ-ի Խոսքի ազատության



հարցերով հատուկ զեկուցող, զեկույց A/HRC/44/49/Add.2, կետ 5). Խորհուրդն այնուհետև շեշտեց, որ քաղաքական տիրույթում և պետական հաստատություններում հասարակական գործիչների մասին ICCPR-ով ընդունված ազատ արտահայտվելու արժեքը «հատկապես բարձր է» (Ընդհանուր մեկնաբանությունը N° 34, կետ 38).

Խորհուրդը նաև նշեց, որ օրենքները, որոնք ընդհանուր արգելքներ են սահմանում սխալ կարծիքներ արտահայտելու կամ պատմական փաստերը սխալ մեկնաբանելու համար և հաճախ հիմնվում են ատելության խոսքի հղումների վրա, անհամատեղելի են ICCPR-ի 19-րդ հոդվածի հետ, եթե դրանք չեն հրահրում թշնամանք, խտրականություն կամ բռնություն՝ համաձայն ICCPR-ի 20-րդ հոդվածի (Ընդհանուր մեկնաբանություն N° 34, կետ 29, Ազատ արտահայտման իրավունքի հարցերով ՄԱԿ-ի հատուկ զեկուցող, զեկույց A/74/486, կետ 22).

Թեև ազատ արտահայտման իրավունքը հիմնարար իրավունք է, այն բացարձակ չէ: Այն կարող է սահմանափակվել, բայց սահմանափակումները պետք է համապատասխանեն օրինականության, օրինական նպատակի, անհրաժեշտության և համաչափության պահանջներին (հոդված 19, կետ 3, ICCPR): Facebook-ը պետք է ձգտի կարգավորել ատելության խոսք պարունակող բովանդակությանն առնչվող իր քաղաքականությունն այս սկզբունքներին համապատասխան (ՄԱԿ-ի Խոսքի ազատության հարցերով հատուկ զեկուցող, զեկույց A/74/486, կետ 58(բ)):

### *1. Օրինականություն*

Ազատ արտահայտումը սահմանափակող ցանկացած կանոն պետք է լինի հստակ, ճշգրիտ և հանրության համար հասանելի (Ընդհանուր մեկնաբանություն 34, կետ 25). Անձինք պետք է բավարար տեղեկություններ ունենան, թե ինչու և ինչպես կարող է սահմանափակվել իրենց խոսքը, որպեսզի կարողանան համապատասխան վարք դրսևորել: Facebook-ի համայնքային ստանդարտներով «թույլատրվում է ուրիշի ատելության խոսքը պարունակող բովանդակությունը՝ այն դատապարտելու կամ դրա վերաբերյալ



իրազեկվածությունը բարձրացնելու նպատակով», սակայն օգտատերերից պահանջվում է «հստակ նշել իրենց մտադրությունը»: Բացի այդ, Խորհուրդը նաև նշել է, որ Facebook-ը ատելության խոսքին առնչվող իր քաղաքականությունից հանել է հումորային նյութերի համար սահմանված բացառության կիրառումը 2020 թ. հուլիսին կայացած [Քաղաքացիական իրավունքների առևտից](#) հետո: Քանի որ այդ բացառումը հանվել է, ընկերությունը երգիծական նյութերի համար բացառության ավելի նեղ շրջանակ է թողել, որը ներկայումս օգտատերերը չեն կարող տեսնել Ատելության խոսքի համայնքային ստանդարտում:

Խորհուրդը նաև նշել է, որ Facebook-ը սխալ էր տեղեկացրել օգտատիրոջը, որ նա խախտել էր Դաժան և բիրտ բովանդակության վերաբերյալ համայնքային ստանդարտը, այն դեպքում, երբ Facebook-ի գործողությունները հիմնված են եղել Ատելության խոսքի քաղաքականության վրա: Խորհուրդը գտել է, որ օգտատերերի համար այնքան էլ պարզ նշված չէ, որ Դաժան և բիրտ բովանդակության վերաբերյալ համայնքային ստանդարտը տարածվում է միայն այն բովանդակության վրա, որտեղ պատկերված են տուժած զոհերը կամ նշված են նրանց անունները:

Բացի այդ, Խորհուրդը գտել է, որ օգտատերերին պատշաճ կերպով տեղեկացնելը իրենց նկատմամբ կիրառվող հարկադիր գործողությունների պատճառների մասին կօգնի նրանց, որպեսզի պահպանեն Facebook-ի կանոնները: Սա վերաբերում է օրինականության խնդրին, քանի որ բովանդակության հեռացման վերաբերյալ օգտատերերին անհրաժեշտ տեղեկատվություն չտրամադրելու դեպքում «ստեղծվում է գաղտնի նորմեր կիրառելու տպավորություն, որն անհամատեղելի է հստակ, կոնկրետ և կանխատեսելի նորմեր ունենալու չափանիշներին», ինչը կարող է խոչընդոտել, որպեսզի «անձը կարողանա բովանդակության հետ կապված գործողությունները վիճարկել կամ արձագանքել բովանդակության դեմ բողոքներին»: (ՄԱԿ-ի Խոսքի ազատության հարցերով հատուկ զեկուցող, զեկույց A/HCR/38/35, կետ 58). Հետևաբար, այս դեպքում Facebook-ը օգտատիրոջը ծանուցում ուղարկելու հարցին իր այս մոտեցմամբ խախտել էր օրինականությունը:



## *II. Օրինական նպատակ*

Ազատ արտահայտման ցանկացած սահմանափակում պետք է նաև հետապնդի «օրինական նպատակ»: Խորհուրդը համաձայնեց, որ սահմանափակումը հետապնդում է այլոց իրավունքները պաշտպանելու օրինական նպատակ (Ընդհանուր մեկնաբանություն N° 34, կետ 28). Դա ներառում է հավասարության և խտրականության չենթարկվելու իրավունքները, այդ թվում՝ էթնիկ և ազգային պատկանելության հիմքով (Յոթրդրոշմ 2, կետ 1, ICCPR, հոդվածներ 1 և 2, ICERD):

Խորհուրդը նաև վերահաստատեց [2021-002-FB-UA](#) գործով որոշման իր եզրակացությունը՝ ըստ որի «օրինական նպատակ չէ սահմանափակել ազատ արտահայտումը՝ անձին վիրավորելուց պաշտպանելու միակ նպատակով: (ՄԱԿ-ի Խոսքի ազատության հարցերով հատուկ զեկուցող, զեկուլյց A/74/486, կետ 24), քանի որ մարդու իրավունքների միջազգային օրենքներում ծանրակշիռ արժեք ունի ազատ արտահայտման իրավունքը (Ընդհանուր մեկնաբանություն N° 34, կետ 38).”

## *III. Անհրաժեշտություն և համաչափություն*

Ազատ արտահայտման ցանկացած սահմանափակում «պետք է համապատասխանի այն կիրառելու պաշտպանական ֆունկցիային, այն պետք է ամենաքիչ միջամտող գործիքը լինի՝ պաշտպանական ֆունկցիան իրականացնելու համար, այն պետք է համաչափ լինի պաշտպանության ենթակա շահերին» (Ընդհանուր մեկնաբանություն 34, կետ 34).

Խորհուրդը գնահատել է, թե արդյոք անհրաժեշտ էր բովանդակության հեռացումը՝ հայերի հավասարության և խտրականության չենթարկվելու իրավունքները պաշտպանելու համար: Խորհուրդը նշել է, որ ներկայումս Թուրքիայում խոսքի ազատությունը բավականին շատ սահմանափակումների է ենթարկվում՝ անհամաչափ ազդեցություն ունենալով երկրում բնակվող ազգային փոքրամասնությունների, այդ թվում՝ հայերի վրա: Խոսքի ազատության հարցերով ՄԱԿ-ի հատուկ զեկուցողը 2016թ. -ին Թուրքիա կատարած իր առաքելության մասին զեկուլյցում նշել է, որ գրաքննությունը գործում է «ժողովրդավարական կյանքի համար կարևոր նշանակություն



ունեցող բոլոր ոլորտներում՝ ՉԼՄ-ներ, կրթական հաստատություններ, դատական և փաստաբանական մարմիններ, կառավարության բյուրոկրատիա, քաղաքական դաշտ և թվային հսկայական օնլայն տիրույթներ» (ՄԱԿ-ի Խոսքի ազատության հարցերով հատուկ զեկուցող, զեկույց [A/HRC/35/22/Add.3](#), կետ 7). 2019 թ. -ին հրապարակված հաջորդ զեկույցում ՄԱԿ-ի հատուկ զեկուցողը նշել է, որ իրավիճակը չի բարելավվել (ՄԱԿ-ի Խոսքի ազատության հարցերով հատուկ զեկուցող, զեկույց [A/HRC/41/35/Add.2](#), կետ 26).

Թուրքական իշխանությունները հատուկ թիրախավորել են այն արտահայտությունները, որոնք դատապարտում են 1915 թվականից ի վեր Թուրքիայի Օսմանյան կայսրության կողմից հայերի նկատմամբ իրականացված ոճրագործությունները: [Համատեղ մեղադրական նամակում](#) ՄԱԿ-ի մի շարք հատուկ դատական գործընթացների հետ կապված նշվում է, որ Թուրքիայի քրեական օրենսգրքի 301-րդ հոդվածը կարծես նախատեսված է «հատուկ խոչընդոտելու համար ճշմարտության վերհանմանը՝ կապված այն բռնության քաղաքականության հետ, որը տարվում է Թուրքիայի հայ համայնքի նկատմամբ» և «գոհերի նկատմամբ արդարադատության իրականացման և փոխհատուցման իրավունքի պահանջի»: Խորհուրդը նշել է նաև 2007 թ.-ին հայազգի լրագրող Հրանտ Դինքի սպանության մասին, ով մի շարք հոդվածներ էր տպագրել հայկական ծագմամբ Թուրքիայի քաղաքացիների ինքնության վերաբերյալ: Այդ հոդվածներից մեկում Դինքը գրել էր ցեղասպանությունը չճանաչելու փաստի, և թե ինչպես է դա ազդում հայերի ինքնության վրա: Նախկինում Դինքը մեղավոր էր ճանաչվել թուրքական դատարանների կողմից՝ «թուրքական ինքնությունը» նվաստացնող հոդվածներ գրելու համար: 2010 թ.-ին Մարդու իրավունքների եվրոպական դատարանը եզրակացրեց, որ Դինքի դատավճիռը և Թուրքիայի իշխանությունների կողմից նրա կյանքի պաշտպանության համար համապատասխան միջոցներ չձեռնարկելը նրա ազատ արտահայտման իրավունքի խախտում է (տե՛ս Մարդու իրավունքների եվրոպական դատարան, [Դինքն ընդդեմ Թուրքիայի](#), կետ 139).

Խորհրդի անդամների մեծամասնությունը եզրակացրեց, որ Facebook-ը սխալ է գործել՝ միջամտելով օգտատիրոջ ազատ արտահայտմանը: Մեկնաբանության հեռացումը չէր պաշտպանի հայերի հավասարության և խտրականության



չենթարկվելու իրավունքները: Օգտատերը ոչ թե հավանություն էր տալիս մեմի հակադիր պնդումներին, այլ դրանք վերագրում էր Թուրքիայի կառավարությանը: Նա դա արել էր՝ դատապարտելու և իրազեկելու համար կառավարության հակասական և սեփական շահերը պաշտպանող դիրքորոշումը: Խորհրդի անդամների մեծամասնության կարծիքով, երգիծանքի ազդեցությունը, ինչպես այս մեմին է, կմեղմանա, եթե մարդիկ հստակ արտահայտեն իրենց մտադրությունը: Այն փաստը, որ «Երկու կոճակ» կամ «ամենօրյա պայքար» մեմը սովորաբար հումորային բնույթ ունի, թեև այստեղ լուրջ թեմա էր շոշափվում, նույնպես նպաստեց մեծամասնության որոշմանը:

Մեծամասնությունը նաև նշել է, որ բովանդակությամբ կիսվել են անգլերեն լեզվով ֆեյսբուքյան էջում, որը հետևորդներ է ունեցել տարբեր երկրներում: Թեև Facebook-ի որոշ օգտատերեր կարող էին սխալ մեկնաբանել մեմը, Խորհրդի անդամների մեծամասնությունը գտավ, որ դա չի մեծացնում հայերի խտրականության և բռնության ենթարկվելու ռիսկը, հատկապես որ բովանդակությունն ուղղված էր միջազգային լսարանին: Նրանց կարծիքով այս կարևոր հարցը միջազգային լսարանին ներկայացնելը բխում է հասարակության շահերից:

Բացի այդ, Խորհուրդը գտավ, որ առանց պատճառի ինֆորմացիայի հեռացումը չի կարող համաչափ լինել: Հանրային շահերից բխող խնդրի վերաբերյալ բովանդակության հեռացումը պահանջում է հատկապես ծանրակշիռ պատճառներ՝ համաչափ լինելու համար: Այս առումով, Խորհուրդը մտահոգված էր Facebook-ի բովանդակության մոդերատորների կարողությունների վերաբերյալ՝ ստուգելու այս մեմը և երգիծական բնույթի նմանատիպ այլ բովանդակություն: Մոդերատորները պետք է հետևեն համապատասխան ընթացակարգերի, և նրանց պետք է տրամադրվի ժամանակ, ռեսուրսներ և աջակցություն՝ երգիծական բովանդակությունն ու համապատասխան ենթատեքստը ճիշտ գնահատելու համար:

Համաձայն լինելով հարթակում երգիծանքը պաշտպանելու Խորհրդի անդամների մեծամասնության տեսակետի հետ՝ Խորհրդի անդամների փոքրամասնությունը չէր գտնում, որ բովանդակությունը հումորային է:



Փոքրամասնության կարծիքով, օգտատերը կարող էր ընդունել մեմում տեղ գտած պնդումները և այդպիսով խտրականություն դրսևորել հայերի նկատմամբ: Հետևաբար, փոքրամասնության կարծիքով՝ այս դեպքում անհրաժեշտության և համաչափության պահանջները բավարարվել են: [2021-002-FB-UA](#) գործով որոշման մեջ Խորհուրդը ուշադրության է արժանացրել Facebook-ի այն դիրքորոշումը, ըստ որի սև դեմք պատկերող բովանդակությունը կհեռացվի, եթե օգտատերը հստակ չնշի այդ քաղաքականությունը դատապարտելու կամ դրա վերաբերյալ իրազեկվածությունը բարձրացնելու իր մտադրությունը: Փոքրամասնությունը գտավ, որ նույն կերպ, եթե բովանդակության երգիծական բնույթը պարզ չէ, ինչպես այս դեպքում, օգտատիրոջ մտադրությունը պետք է հստակ երևա: Փոքրամասնությունը եզրակացրեց, որ թեև երգիծանքը երկիմաստ է, այն չպետք է երկիմաստ լինի քննադատության թիրախի համար, այսինքն՝ Թուրքիայի կառավարության կամ հայ ժողովրդի:

*Տեղեկացված լինելու իրավունք (Հոդված 14, կետ 3(a), ICCPR)*

Խորհուրդը գտել է, որ օգտատիրոջը սխալ ծանուցում ուղարկելով՝ տվյալ բովանդակության համար սահմանված կանոնը խախտելու համար, տեղեկացված լինելու իրավունքի սահմանափակում է՝ արդարադատության հասնելու համատեքստում (Հոդված 14, կետ 3(a) ICCPR): Օգտատիրոջ ազատ արտահայտման իրավունքը սահմանափակելիս Facebook-ը պետք է հետևի պատշաճ իրավական ընթացակարգին և օգտատիրոջը ճիշտ տեղեկացնի իր որոշման հիմքի մասին, այդ թվում՝ վերանայելով ծանուցումը՝ պատճառի փոփոխման դեպքում (Ընդհանուր մեկնաբանություն N° 32, կետ 31). Այս դեպքում Facebook-ը չի կատարել այդ պարտավորությունը:

**9. Վերստուգիչ խորհրդի որոշումը**

Վերստուգիչ խորհուրդը չեղյալ է համարում բովանդակությունը հեռացնելու Facebook-ի որոշումը և պահանջում է, որ բովանդակությունը վերականգնվի:





## **10. Զաղաքականության վերաբերյալ խորհրդատվություն**

Չետևյալ առաջարկությունները համարակալված են, և խորհուրդը խնդրում է, որպեսզի Facebook-ը յուրաքանչյուրի համար առանձին պատասխան ներկայացնի, այն ձևով, ինչպես դրանք ձևակերպված են.

*Օգտատերերին հստակ և ճշգրիտ ծանուցում տրամադրել*

Օգտատերերի համար իր քաղաքականությունն ու դրա կիրարկումն ավելի պարզ դարձնելու համար Facebook-ը պետք է.

1. Տեխնիկական միջոցներ ձեռք առնի՝ ապահովելու համար, որպեսզի օգտատերերին ուղղված ծանուցումը հղում կատարի ընկերության կողմից կիրառվող Չամայնքային ստանդարտին: Եթե Facebook-ը որոշում է, որ (i) բովանդակությունը չի խախտում օգտատիրոջը ծանուցված Չամայնքային ստանդարտը, և (ii) որ բովանդակությունը խախտում է Չամայնքային այլ ստանդարտ, ապա օգտատերը պետք է պատշաճ կերպով տեղեկացվի այդ մասին և բողոքարկման մեկ այլ հնարավորություն ստանա: Նա միշտ պետք է ունենա ճիշտ ինֆորմացիայի հասանելիություն՝ նախքան խորհրդին դիմելը:
2. Ներառի երգիծական բովանդակության համար սահմանված բացառությունը, որը ներկայումս տեսանելի չէ օգտատերերին՝ Ատելության խոսքի վերաբերյալ համայնքային ստանդարտի հանրամատչելի լեզվով բացատրությամբ:

*Ունենալ համապատասխան գործիքներ՝ երգիծական բովանդակության հետ կապված խնդիրները լուծելու համար*

Ի նպաստ օգտատերերի իր բովանդակության քաղաքականության կիրառման ճշգրտությունը բարելավելու համար Facebook-ը պետք է.

3. Համոզված լինի, որ ունի համապատասխան ընթացակարգեր՝ երգիծական բովանդակությունն ու համապատասխան ենթատեքստը պատշաճ կերպով գնահատելու համար: Սա ներառում է բովանդակության մոդերատորներին հետևյալով ապահովումը՝ (i) հասանելիություն Facebook-ի տեղակական աշխատանքային խմբերին՝



համապատասխան մշակութային և պատմական տեղեկատվություն հավաքելու համար, և (ii) բավարար ժամանակ՝ Facebook-ի տեղակական աշխատանքային խմբերի հետ խորհրդակցելու և գնահատական տալու համար: Facebook-ը բովանդակության մոդերատորների համար պետք է այնպիսի քաղաքականություն մշակի, որը կխթանի նրանց կողմից բովանդակության ավելի խորը քննությունը կամ ուսումնասիրությունը, եթե բովանդակության մոդերատորը վստահ չէ՝ արդյոք մեմը երգիծական է, թե ոչ:

*Չնարավորություն տալ օգտատերերին հայտնելու, որ իրենց բովանդակությունն ընկնում է քաղաքականությամբ սահմանված բացառությունների մեջ*

Բողոքարկման փուլում Facebook-ի որոշման վերանայման ճշգրտությունը բարելավելու համար ընկերությունը պետք է.

4. Թույլ տալ օգտատերերին իրենց բողոքարկման մեջ նշել, որ իրենց բովանդակությունն ընկնում է Ատելության խոսքի վերաբերյալ քաղաքականության բացառություններից մեկի մեջ: Սա ներառում է երգիծական բովանդակության բացառությունները և, երբ օգտատերերը կիսվում են ատելություն պարունակող բովանդակությամբ՝ այն դատապարտելու կամ իրազեկվածությունը բարձրացնելու համար:
5. Ապահովի, որպեսզի բացառման քաղաքականության վրա հիմնված բողոքարկումներին առաջնահերթություն տրվի՝ դրանք վերանայելու համար:

### **\*Ընթացակարգի վերաբերյալ նշում.**

Վերստուգիչ խորհրդի որոշումները կազմվում են հինգ անդամներից բաղկացած կոլեգիալ մարմնի կողմից և պետք է հաստատվեն Խորհրդի անդամների մեծամասնության կողմից: Խորհրդի որոշումները կարող են չարտահայտել Անդամների անձնական տեսակետը:



Այս գործի վերաբերյալ որոշում կայացնելու համար Խորհրդի կողմից պատվիրվել է անկախ հետազոտություն: Անկախ հետազոտական ինստիտուտը, որի կենտրոնը Գոթենբուրգի համալսարանն է, կազմված վեց մայրցամաքներում տեղակայված ավելի քան 50 սոցիալական գիտությունների գիտնականների, ինչպես նաև աշխարհի տարբեր երկրների ավելի քան 3200 փորձագետների թիմից, փորձաքննություն է իրականացրել սոցիալ-քաղաքական և մշակութային համատեքստում: Lionbridge Technologies LLC. ընկերությունը, որի մասնագետները լավ տիրապետում են ավելի քան 350 լեզուների և աշխատում են աշխարհի 5000 քաղաքներից, լեզվաբանական փորձաքննություն է տրամադրել: